

AÑ PUEPAÑ SAN PEDRO PO'CARTA 2 SAN PEDRO

Atto Pedrop'a' quellquërranerr carta allohuena-cop ñeñt ame'ñetsa

¹ Masheñneshacha' ñama nochaneshacha' allohuenes ñeñtes e'ñe attecma cohuen same'ñena atet yame'ñena yam'a, tarro'mar allohueneypa' e'ñe ñiapt'a Jesucristo ñeñt Yeyomporer yepen ñeñtara ñeñt Ya'queshpatañer yepen, ñeñtña e'ñe pocte' es pets. Na Simón Pedronpa' o'ch alla nequellquërrnaserr po'poñ carta, ñeñten torretsa Jesucristocop, ña pueullsensaren.

² E'ñe nehuomicha'teñotes sa napa' o'ch notas: Yomporepa'chña atarr sebensare'tampene'; ñepa'chña socshatene'ña e'ñe sa seyočhro allohuenes e'ñe seyemteñot Yompor ñama Puechemer Jesús ñeñt Yepartseshar yepen.

Ateñcha' yep'a'yena allohueney ñeñtay e'ñe co-huen ame'ñayenaya Cristo

³ E'ñe yejemteñot Yompor ñapa' chocma apueney allohuen ñeñt allpon yepalltena alloch yocrrena e'ñe cohuen ñocop. Ñama apueney attoch yoctape'cherr ñeñt e'ñe pocte' enten ña. Ñeñtpa' e'ñe ña po'partsoteñot apueney. Ñapa' añ muenen o'ch yecohuentapretera ña. Ñama añ atarr muenen o'ch yorrtatapreter po'cohuenña. ⁴ E'ñe po'cohuenñoñ ñapa' atet

otnerrey ñeñtcha' apuerrey ñeñtcha' nanac cohuen yenterr, ñama ñeñtcha' atarr nanac sherberrets yocop. Añ apuerrey po'huamenc attoch amach aña atarr yemna'yeno ñeñt yentyen arr patsro. Attochña amach atarr nanac ya'sosyateno e'ñe yañeña. Allochñapa' e'ñe yeyemteño Paretspa' o'ch yaguërrñañ ñeñt e'ñe atet pena ña. ⁵ Ñeñto'marña añ poctetsa, ñanomcha'ña Cristo yeyemta. Allotpa' ñama o'ch yorrtaten atto e'ñe pocte' es yepen. Allotpa' ñama añ poctetsa, o'ch yeñotua e'ñe ora atet muenen Yompor. ⁶ Allotpa' ñama o'ch yepuesuanom ñeñt atet yemnatse'tyen ya. Allotpa' ñama e'ñech ya'huanta'huanom allohuen ñeñt atarr echarr yentyen, allotéñapa' o'ch yoctape'ch ñeñt poctetsa Partsocop. ⁷ Allotpa' ñama o'ch yemorrentanna'ta, e'ñech yemo'nasheñesha' yepannena. Allotpa' ñama e'ñech yemuerannena.

⁸ Ñerra'm atetcha' sepa añaehno atet ñeñt o' notuaspa', allempoñapa' allo'nach sesen parrocmatats epas Yeparsetseshar Jesucristo. Allochñapa' amach e'ñe orrena señotere, añcha'ña e'ñe sorrtatyen ñeñt atet muenen Yompor. Allempoñapa' nanaccha' sesherberr Cristocop. ⁹ Ñerra'm ama allo'na yeyemuetneño Cristopa' yapa' amach e'ñe es cohuenaye' yeñotueno. Chach yottena ñerra'mrrate' puesheñarr ñeñt ama cheme'tetso a'yo. Añach cheme'ten ñeñt alla'tsena. Amapa' chach yottena ñerra'mrrate' puesheñarr aporo'yet ñeñt ama entetso, ama't e'ñe mamesha. Tarro'mar ñapa' o' cha puesuerran atto Cristopa' e'ñe e'shohuerrñañeñ

po'chñar. ¹⁰ Ñeñto'marña masheñneshacha' ñama nochaneshacha' te'pa' o'ch alla noterrserr. Allo'nepa'ch sesen yemuetnomaya Cristo atto ñapa' o' hua'ñerres attoch same'ñeñotpa' o'ch sequeshperra. Ñerra'm atetcha' seþapa' ama't ahuatapa' amach sepsere, ñama amach alla sepuererro atarr toñonet. ¹¹ Allochña sapa' secherrcha' all amcha'tarettena Yepartseshar Jesucristo ñeñt Ya'queshpatañer yepen. Allñapa' o'ch aguerres e'ñe pocsheñeshocmañen all partsoten. Ña po'partsoñapa' ñeñtpa' amach ahuañiañatterro ama't e'ñe errponaña.

¹² Ñeñto'marña napa' noten, chocmach neyerpatasa atet noctape'chen. Ama't sapa' o' señotue añaechno, napa' o'ch alla noterrserr. Ama't o' chaponasa seyoçhro ñeñt ñoñets po'ñoçhpa' napa' nemneñ allo'nach neyerpatnensa. ¹³ Napa' noten, te'pa' orameñ nocrrena e'ñe pocte' o'ch neyerpatnomsa attoch o'ch setorroña Yompor po'ñoñ. ¹⁴ Napa' neñoteñ o' mamamenapa' o'ch nerromuen, tarro'mar atet otne't Yepartseshar Jesucristo. ¹⁵ Allochñapa' amach nemnatenso o'ch sepuesuer ama't errponaña. Ama't allempoch o' nerromuenpa' sapa' allo'nach seyerpuerra ñeñt atet o' notuanmas.

Pedropa' e'ñe entane't Cristo allempo orrtatyesanete't po'partsoña

¹⁶ Ya te'pa' o' e'ñe yeñotatas atto Yepartseshar Jesucristo ña partsotets, ñapa' ñach huerrtsa po'pocheño. Añ ñoñets po'ñoçhpa' ama shequëñtsoyaye ñoñets ñeñt o' yotuas. Ñeñtpa' ama yaye' yoctaþña yotenso, ñama ama

ahuañaneshashañeyaye pueserrpareñ. Ya po'ñočhpa' e'ñeca'ye allame'ttsa yeñche'ñña Yepartseshar Cristo. Yapa' e'ñe yentuoñe'ñña po'partsoña. **17-18** Tarro'mar yapa' e'ñe parro allo'tseney all aspeno allempo Yompor Parets gatey Puechemer po'cohuenña. Yapa' allempopa' e'ñe ye'mhuaña ñoñets ñeñt ye'morrtoya entot. Yompor ñeñt nanac partsolets pue'ntaño, po'cohuenñopa' atet cohuentatenan Puechemer, ñeñtpa' atet oten: "Añmapa' ñeñt Nechemer ñeñt nanac nemorrentena, ñapa' ña nanac nocshatene." Ñeñtpa' attoña aye'chočhtatenan Puechemer.

19 Te'ña ñeñt otyese't ahuañ ñeñt a'mta'yesaye't Yompor po'ñoñpa' te'ña e'ñe po'ñočhpa' o' e'ñe etsotuerra. Ñeñto'marña yapa' attoña yeñoteñ ñapa' e'ñe po'ñočh otye't po'ñoñot. Ñeñto'marña yocoppa' añ poctetsa o'ch yame'ña ñama ñeñt a'mta'yesaye't ahuañ Yompor po'ñoñ. Ñeñtña ñoñetspa' a'puetarsam̄pennay yočtaþña atet ñerra'mrrate' lampareñ a'puetarene' checmete'. Te'ña o' huapa Cristo; ñapa' ñeñtcha'ña a'puetarerre' yama yeyočher. Yapa' atarr cohuen yenteñ Cristo atet ñerra'm ranto atarrem. **20-21** Ñama señočhepa'chña ñeñt a'mta'yesaye't ahuañ Yompor po'ñoñ ñetpa' ama añaye' orrtatete'te ñeñt atet cočape'chete't ñet. Atto ñet ma'yočhrete't Partsocop, Paretsña Puecamquëñña eñotatahuete't atetcha' serrpare'toñet Yompor po'ñoñ. Ñeñto'marña señočhepa'ch ama pocteyaye e'ñe yañeña yočtaþñoñ o'ch ye'načhatateññañ po'ñoñ.

2

*Ñeñt ashcañtetsa amach Yomporeye' po'ñoñ ser-rpare'teno
(Jud 4-13)*

¹ Te'pa' o'ch notas ñañma po'poñ. Ahuałpa' orrte't ashcañ ñeñt ama Yomporeye' po'ñoñ orrtatete'te, ñeñtpa' atta shecane't israelena'tarnesha'. Sapa'cho'ña attecmach orrtonasa ñeñt amach Yomporeye' po'ñoñ a'poteno. E'ñe a'nuhapa' o'ch yeçhatas po'poñ poctaþña. Tarro'marcha' ñetpa' atet pet attotcha' a'chencataturess. O'ch a'nasotamþsasa atto Yepartseshar Cristopa' ñeñtña tsa'terroyaña yo'chñar. Tarraña ñetpa' machayoñtach a'chencataturet ñañeñeta.

² Esempoch orrta, shonte'ch acheñ ñeñtcha' ame'ñaya atetcha' yeçhatanet. Ashcañpa' e'ñech pochte' entan ama't ñeñt atarr yeçhene' sosya'tsañ. Ñeñtomañna e'ñe ñototacheñenesha'pa' o'ch achmara'teññañet Cristo po'ñoñ ñeñt po'ñoñ Yompor po'ñoñ. ³ E'ñe pueye'cheñotpa' o'ch shecaset attoch yoramþpesuas seçllayor. E'ñe poctaþñoñotpa' shecasetcha'. Tarraña ama't ahuałoteñ Yomporpa' ote't ahuo'ch mueñanet coñcha'puetso. Yomporpa' ama orrena ote'te, ama pueno po'ñoñ; atet oten, atetcha' þa. Ñeñt ama Yomporeye' po'ñoñ yeçhatetsopa' chenca'huerretch'a'.

⁴ Tarro'mar ahuatpa' ama't Yompor po'mllañoñteñnaneshar allempo atpare'chete'tpa' ama esesha' queshþpatse'te. Yomporpa' allempoña huapore'tanete't o'pono coñcha'puetso, allñapa' all ehuancareñnet checmeto. Alloñpa'

amach čha'nerreto, allotña esempohuañenpa' a'coñchatareñterrach. ⁵ Ñamaacheñenesha' ahuatpa' ama esesha' queshpātso allempo nanac atpare'cheteñ Yompor. Ñañapa' e'chopām̄psanet oñ, ora erraparen patso. Ñapta Noé a'queshpāt epuet cancherrsheña ñeñt pamo'tsesha'. Tarro'mar Noépa' serrpare'teñ ñeñt atet poctetsa Yomporecop. ⁶ Ñama ahuatpa' ñeñt yeçhatseñ anetso ñeñt pa'so'cheñ Sodoma ñama Gomorra, Yomporpa' etomam̄psanet pa'netser. Atto etomam̄pesuerrananet pa'netserpa' allohuenetpa' e'ñe poctacma poyuerret. Ora e'ñe tsapñere'tuet, o' a'chencatuerrananet e'ñe poctacma. Atto te'pa' eñotatenan po'psheññeçhno ñerra'm o'ch atpare'teñet Yomporpa' attecmach perraneterr. Ñeñto'marña yeñoteñ erra'tsencha' orrtateneñ ñeñt ama Yomporeye' po'ñoñ a'poñeno, ñetpa'cho'ña attecmach chenca'huerret ñamet. ⁷ Tarraña Yomporpa' a'queshpātan puesheñarr ñeñt pa'so'cheñ Lot ñeñt e'ñe pocte' es pātseñ. Ñañapa' epaye' entenan pamo'tsesha' atto' pa'yeseteñ ñeñt nanac sosey enten Yompor. Ñapa' epaye' llecacheteñ. ⁸ Ñapa' e'ñe cohuen cotape'cheteñ. Pamo'tsesha'ñapa' nanac pa'yeseteñ ñeñt ama cohuenayaye. Ñañapa' epaye' entapretaneteñ ñeñt cotape'cheteñ ñet, ñama epaye' e'mapretaneteñ atto eñosatsetyeñeteñ. Ñañapa' epaye' llecaneteñ tarro'mar ñapa' e'ñe cohuen cotape'cheteñ pueyoçhro. ⁹ Ñeñto'marña Yomporpa' eñoteñ attoch a'queshpātan ñeñt e'ñe pocte' es pets, ñerra'm esempo o'

huapanet topateñets huomenc. Ñañma eñoteñ attoch mueročhtatan ñeñt ama pocteye' es petso. Allo'nach mueročhtatnenanet esempohuañencha' acrarečetuerra allohuenacheñenesha'. Allempopa' mueñuerranetcha' coñcha'puetso.

10 Po'ñočhpa' coñchatancha' ñeñt aña ma'yočhrenaya ñeñt atta muenatse'tyets e'ñe po'chtsoč, atto nanaccha' sosyare' yečha'yenet, añach e'ñe yomenet ñeñt e'ñe ñet pocłapñet. Ñeñto'marña ama't Yepartsesharpa' ama amīcha'na'tpahuoye' enteñeto, attoña ama't ñañma allohuen ñeñt ahuamencačetyetsapa'čho'ña e'ñe achmaren'eñet. Amach amīcha'na'tpahuoye' enteñeto. **11** Tarraña Yompor po'mllañoteñnaneshar ama't nanac ahuamencačet, ñañma ama't nanac amīcha'tarečet, ñetñapa' ama't Yomporesho'tsenet, ama sasare'teñetoña ñeñt ahuamencačettsa.

12 Tarro'mar ñeñt ama Yomporeye' po'ñoñ yečhatetso ñetñapa' sasare'tenet tarro'mar ama es eñoteneto, e'ñe atfet ñerra'm es berr ñeñt ama es eñotetso. Atet muena'yenetpa' atetcha' penet. Ñeñt atet eñalletetsa atet ñerra'm es berr; tsapačonetpa' o'ch rromueñet. O'ch rromuetpa' o'ch muetset. Ñeñt ama Yomporeye' po'ñoñ yečhatetsopa' ñetpa'čho'ña esempohuañen attecmach a'cllatuarečterret. **13** Tarro'mar attoch atsa'tatuarečterret allohuen po'chñaret. Tarro'mar e'ñech ellapeneteč coshatse'tatset ñeñt ama pocteyaye. Ama't atto rrallme'chapretasetpa' nanaccha' pencatenset tarro'mar ñetpa' nanac sosyare' es penet. E'ñech pocsheñesha' mueneñet

o'ch shecaset.

¹⁴ Ñeñ̄t ama Yomporeye' po'ñoñ yečhatetsopa' čhocmach mueneñ o'ch cohua'yesan coyanesha' attoch nanac caňoresha'tenet. Amach huañeno atto cočape'chenet sosey. Nanaccha' shequëñet coyanesha' ñeñ̄t ama tama es eñoto attoch agüëñet. Añach yečhenet atto es ye'chatse'tyenet. Tarraña ñeñ̄t atet petsapa' o'patataretetcha' coñcheñets. ¹⁵ Tarro'mar ñetpa' o' puesuerret ñeñ̄t poctetsa. O' sa'nmet Yompor nanac ellaþar. Ñetpa' cota'neñet atet pe't Balaam ñeñ̄t Beor puechemer. Ñapa' ahuaþpa' añañach cohuen ente't o'ch pa'yes añañach cohuen ente't o'ch pa'yesa ñeñ̄t ama pocteyaye alloña gane't shonte' quelle. ¹⁶ Allempoña atet pe't Balaam ñeñ̄t ama pocteyaye, pashanorñapa' o' che'ptare'ch, atto' eños atet ñerra'macheñ eñets, ama't ashenga' yeñoteñ ama eñeno. O'ña eñosuapa' Balaamñapa' allempoteñña o'huañ atet pa'yesan sosey.

¹⁷ Ñeñ̄t ama Yomporeye' po'ñoñ yečhatenetopa' ñetñapa' amach es sherberrtso. Ñetpa' ama't attetañ ñerra'mrrate' oñ allot potenpa' te'ñapa' o' masohua. Ñetpa' amach es sherbatso ama't attetañ ñerra'mrrate' os, tarraña ñerra'm o' matach morr a'yopa', amach huato. Tarraña ñeñ̄t atet petsapa' o'patataretcha' all ama machecmeto o'pono. ¹⁸ Ñama nanaccha' ommo'chenet atto pa'yenet ñeñ̄t nanac sosyare'. Ñama o'ch a'secheñet po'psheñeñ attoch o'ch pačhet ñeñ̄t nanac muenenet po'chets attotcha' a'psataretterret, allempoñapa' o'chčho' alla puerrerret. Shonte' acheñ ñeñ̄t e'ñe etserra puesuanmue' ñeñ̄t atet yečha'yesete't ñeñ̄t

nanac sosyare', tarraña allempoñapa' o'ch alla muenereterr ñeñt o' puesuanmuetañ ahuał poctapñet. **19** Ñeñt ama Yomporeye' po'ñoñ yečhatetsopa' o'ch alla oterraneterr: "Ama palltenoña o'ch es yesuanom. Yapa' eñe cohueno'tseney. Yocoppa' ama eñalleña ñeñtcha' yeiore'terre." Ama't atet oteneñ ñeñt ałpare'tetspa' tarraña napa' o'ch notas, ñeñt atetpa' aña yečhenet e'ñie ñiet poctapña ñeñt nanac sosyare'. Tarro'mar ñerra'm erra'tsen es yečhatene' ñeñtpa' ñeñtaña pomnaren yepene'. **20** Attecma ñerra'm ya. O' yeñotuer Yepartseshar Jesucristo, ñeñtara Ya'queshpatañer yepen. Yeparrocmateñot Cristo o' yesuanom sosya'tsañ. Tarraña ñerra'm yo'chñarpa' alla a'psaterrey Yompor po'ñoñpa' yañapa' elloña nanaccha' yoročheno'tseney. **21** Ahuałpa' yoročheno'tseney tarro'mar ama yentare ñeñt poctetsa Partsocop. Te'ñapa' o' yenter ñeñt poctetsa. Tarraña ñerra'm te'pa' o'ch alla yepuerrerra ñama o'ch alla yepuesuerrñañ po'ñoñ atet oteneý Parets, te'ñapa' yañapa' elloña nanaccha' yoročheno'tseney. **22** Yapa' po'ñočh ñerra'm o'ch alla yepuerrerra čha yottena ñerra'mrrate' oħec. Yapa' o'ch alla yepuerrerra "atet ñerra'm oħec o'ch a'tatsta; o'ch a'tatsetuapa' tematenpa' o'ch alla puerrerra allo'tsen pa'tatsña." Amapa' čha yottena ñerra'm atet pena ñama chañcho. "Chañchopa' o'ch apa; o'chñña apuapa' o'chčho' alla puerrerra atstso alcha' e'yaþna'tuerra o'ch alla atsotseñe'chuerr." Ama't ahuałoteñ atet otete'ł atet pena oħec, ñama atet pena chañcho.

3

*Esempoch huerrmocha Cristopa' orrterrach
ñeñtcha' achmāre'terre' Yompor*

¹ Te'ñapa' masheñneshacha' ñama nochaneshacha' o'ch notas, po'pocheño o' alla nequellquërrnaserr carta. Tarro'mar añecop nemneñ o'ch alla noctape'chaterrserr, o'ch alla neyerpaterrserr soctaþña e'ñe cohuen. ² Ñama o'ch alla noterrserr, añ poctetsa amach sepsatsche ñeñt otye'ñt ñeñt a'mta'yesaye'ñ Parets po'ñoñ. Ateñt otye'ñtpa' atetcha' etsoterra esempohuañen. Ñama amach sepsatsche atet o' otuas ñeñt Yompor puellsensarnesha'. Ñetpa' o' yeçhatuaset Yepartseshar Cristo po'ñoñ ñeñtpa' atetcha' seþa, ñeñtara Cristo Ya'queshpatañer yepen.

³ Ñanom o'ch señoch añ, ñerra'm esepoch o' huerrmocha Cristopa' huapach ñeñtcha' achmāre'tene' Yompor poctaþña. Ñeñtpa' attach cotape'chen atet muenatse'tyenet ñeñt cohuen entenet po'chets. ⁴ Pachmāre'teñotpa' o'ch otet: "Cristopa' otner esempopa' ahuo'ch huerra. Te'ñapa' ¿eso'marte' amo' huerro? Ama't yatañneshañpa' o' colla'huenet; teme'ttsen yenten ora erraparen e'ñe aftera atet orrte'ñ ahuañoteñ allempo errte' ayeçhcataret pats."

⁵ Ñetpa' mueneñet o'ch puesuerret atto ahuañ Yompor e'ñe po'ñoñota o' yeçhcatuan enet. Patspa'cho'ña e'ñe po'ñoñota yeçhca'hua. Ñama e'ñe oñoñota yeçhca añ pats. ⁶ Ahuañpa'cho'ña e'ñe puechopeñoñ oñpa' chenca'hua pats allempo e'ñe chorra oñ erraparen. ⁷ Ñama

Yompor po'ñoñotpa' te'pa' ama't patspa' esempohuañenpa' poyuerrcha'. Enetpa'cho'ña atecmach poyuerrcha' ñama. Aña cohuen esempohuañencha' acraretetuerra allohuenacheñenesha'. Allempochña mellapoterra. Ñeññña ama ame'ñenaye ñapa' o'ch mueñanet coñcheñtso.

8 Tarraña te'ña masheñneshacha' ñama nochaneshacha' amach atta es sepchatsto. Añcha'ña o'ch señoch; Yomporpa' entenan ama't mil char atet ñerra'm pamtarra. Ama't ñeññapa' pamtarr enten, yocopñapa' yenteñ atet ñerra'm mil char. **9** Puesheña'tetsacheñpa' otenet o' meten shonte' char amo' huerro. Tarraña yapa' yeñoteñ Yepartseshar chocmach a'poctatan po'ñoñ o'ch huerra. Yapa' yeñoteñ tarro'mar amo' huerro añ cohuen ñato' esempoch o'ch yoctape'chuerr ello cohuen Yomporecop allohueney. Ñapa' nanac muerenya ama mueno ama't eseshapa' o'ch chenquërra.

10 Tarraña ama't amo' huerro, esempopa' machayotach huerra. Atet ñerra'm eñet amach es yepchenopa' machayotach huapa tsapo. E'ñech atet perraña ñama Yepartseshar Cristo, e'ñech machayota huerra. Allempopa' huañerrcha' enet. E'ñe puepotrrareñoñpa' huañcha'. Huañcha' ora ñeññ orretyetsa ñama ama't ora allpon eñall, pañna'tuerrcha' ñama e'yohuach. Tso'ñapa' ñach e'ñe e'yatuerre' allohuen ñeññ eñall. Patspa'cho'ña ñama ora ñeññ ayeçhcataret arr patsropa' poyuach.

11 O'ch poyuapa' o'ch e'yohua ora esocmañen. Ñeññomarña sapa' añ poctetsa socop. O'ch

soctape'cherr e'ñe cohuen Partsocop, ñaña o'ch sepomhuerra sañeña e'ñe Yomporecop. **12** Ñaña añ poctetsa o'ch secuame'teñ esempoch yoročhtatuer Yompor. Sapa' o'ch setorreññaña attochña mameshapa' o'ch huerra. Esempoch yoročhtatuer allempopa' ñachña a'crratuerre' enet. O'ch a'crratueran enetpa' allempochña potlle'chuerr e'ñe poctacma. Ñaña ora ñeñt orretyetsa entopa' ñeñtpa'cho'ña e'ñech poyuahuerr. O'ch poyuahuerrpa' o'ch e'yohuerra poctacma. Tso'ñapa' ñach e'ñe e'yatuhuerre' ora allohuuen ñeñt eñall. **13** Tarraña yapa' yecueñ o'ch etsoterra ateñ otnerrey. Ñapa' ña yotnerre', eñalleterro'ch po'poñ enet etserrare', Patspa'cho'ña o'ch eñalleterra etserra. Allñapa' añach orrtatsa ñeñt e'ñe cohuenare' es ña'yets.

14 Ñehua, masheñneshacha' ñaña nočhaneshacha' o'ch secuame'teñ. Secuame'teñotpa' o'ch sema'yočhrena attoch entuerres Yompor e'ñe pocte', attoch amach eñalle ñeñtcha' sepencate'. O'ch cohuen sentannena epas samo'tsesha'. **15** Ñaña o'ch señoch e'ñe eso'marte' amo' huerro Yepartseshar Cristo. Ñapa' atarr muerenana allohuuenacheñenesha'. Ñapa' mueneñ yapa' o'ch yame'ñatueraacheñenesha' attoch yequeshpá'huerra allohueney. Ñeñtara o' quellconas ñaña masheñ Pablo po'cartot. E'ñe Yompor pueñotateñotey atet quellconas ñaña. Yapa' nanac yemuerannena. **16** Ora allpon Pablo po'cartotpa' o' eñotatey atetcha' perra esempo. Pañetets ñoñets ñeñt quellque'ñ Pablopap' nanac echarryenteñ o'ch yeñoch e'ñe

atet oteneñy. Puesheña'tetsacheñ ñeñtama tama es eñotopa' atarr moññe'toñete' Pablo po'ñoñ. Tarro'mar ñetpa' ama tama cosheññañeto Yompor po'ñoñ ñeñto'marña chocmach mueneñet o'ch e'naçhaterrñañet atet oteneñy Pablo po'cartoñ. Ñaña po'poñ Yompor po'ñoñ ñetpa' chocma mueneñet o'ch e'naçhaterrñañet atet oteneñy. Ñetpa' attotcha' a'chencataturret ñetañeñia.

17 Ñeñto'marña masheññeshacha' ñaña noçhaneshacha' te' napa' o' notuas necartoñ ama't ama etsotena' atet notenes, attochña señoch. Te'ñapa' señotañtach allochñapa' amach shecaseto atto es panten ñeñt atpare'tets. Saña te'pa' amach sequeçhpatserrñañe Yompor po'ñoñ atet atarr same'ñena te'. **18** Añchaña e'ñe Yompor puemuereñoñpa' allo'nepa'ch sesen coñape'chnomue' e'ñe cohuen, ñaña allo'nepa'ch sesen yemuetnomaya Yepartseshar Jesucristo ñeñtara Ya'queshpatañer yepen. Ya'ye'choçhtatoñepa'ch tayoñteñ e'ñe errponohuañen. Te'pa' ñeñtach notas, ñeñtpa' attetepa'ch Nompore. Allohua.

Pedro

**Yompor Po'ñoñ ñeñf attō Yepartseshar
Jesucristo e'ñe etserra a'poctaterrnay
Yomporesho**

New Testament in Yanesha' (PE:ame:Yanesha')

copyright © 2008 Wycliffe Bible Translators, Inc.

Language: Yanesha'

Translation by: Wycliffe Bible Translators, Inc.

Yanesha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanesha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

fa985bb4-fad0-5968-9ee4-626b89cba24f